

մահուանից յետոյ կաթողիկոսներն, անձամբ տարէ ցտարի պատարագ էին մատուցանում նորա յիշատակին, պաշտաման դրամ բաժանում վանականներին և կերակրում աղքատներին, որ աւանդաբար պահպանուում էին մինչև Դաւիթ և Մելքիսեդ կաթողիկոսները: Վրդանէս մեռաւ ըստ Դաւրիթեցու Զնն (= 1493) թուին Ոծոպում իւրայինների մօտ, ուր քաշուել էր ծերութեան օրերում: Նորա դամբարանը գտնուում է վանքի պարսպից դուրս, դէպի հարաւ, գիւղին նաւոր բլրի վերայ. խաչարձանը քանդուել է և միայն մի կտորը մնացել. խաչարձանի առաջ դրուած է մի տափակ գերեզմանաքար եպիսկոպոսական գաւազանով զարդարուած և արձանագրութեամբ (Յաւել. Ա. 182), որից խմանում ենք, թէ նորա հօր անունը Ամրսիոս կամ Ամրասիոս էր, «թոռն Ապուտահլին, որդոյ Ղուկիւս բէկին, թոռն Գեղզա և մեծի Սրկար իշխանին»:

Գիւղի եկեղեցու բակում գտնուում է մի գերեզմանաքար մի կողի վերայ ենդաւոր քուցիկի և ջամ այսպիսի արձանագրութեամբ. «Այս է տապան Ամիրին որդի Ա (գուցէ և սա, կցուած է) Տիրբէկին թոռն Ամիրսոսին թվ. ԶԾ» (= 1501): Զենք կասկածում, թէ այս Ամիրսոսը և Վրդանէս եպիսկոպոսի տապանաքարի երկրայութեամբ կարգացուած Ամրասիոսը նոյն անձնաւորութիւնները լինին, ուրեմն և Ատիլ բէկը Վրդանէսի եղբայրն է, իսկ Ամիրը եղբորորդին: Դաւրիթեցին էլ պատմում է, որ նորա ազգականները այստեղ էին ապրում:

Այսուհետև Ածոպ գիւղի կամ վանքի մասին ըստանում ենք աւելի յաճախ տեղեկութիւնների վանքի արձանագրութիւններից, որ, ինչպէս տեսանք շինուած է 1571 թուին Յովհաննէս եպիսկոպոսի օժանդակութեամբ: Սորա յաջորդն էր Մարտիրոս եպիսկոպոս. երկուսի շինարարութեան մասին արդէն խօսել ենք (*): Մարտիրոսի ժամանակն էր կամաւոր միայնակեաց Մելիքը, որ աշխատում էր մինչև իւր ձեռութեան օրերն այս վանքում, նուիրելով զգլխի ձեռք տնկած այգին որ. Ածածնին Սոտակերաց սբ. Նշանիս» և ապա «դ. քթոց մեղրի, զի միաբանք սբ. Ածածնին հանապազ զմայլին գինով եւ քաղցրանան մեղրով»: Նուիրել է նաև մի Տարեգիրք, այսինքն ձառն: Տէր Ղուկաս կուսակրօն ճգնազգեաց կրօնաւորը բոլոր միաբանների բաղմբերախտ մօր խաթունջան տնտեսի հետ նուիրել է մի արծաթի սկիհ: Յիշատակուած են Մարտիրոս եպիսկոպոսի հետ և վանքի միւս միաբաններից Ղազար հերպետ, տէր Ղուկաս կրօնաւոր, Մելքի միայնակեաց, խաթունջան տնտես, «տէր Ղազար հայր վանաց», և ուրիշ միաբաններ առանց անունների: Յայտնաւորքի գրիչն է ծերունի Սարգիս մօնողոնիկ (**):

Նոյն Մարտիրոս եպիսկոպոսից մնացել է և մինչև այժմ գիւղի եկեղեցու մէջ մի արծաթի, ոսկէջրած, հաւասարակող խաչ՝ Սոտակերաց սուրբ Մինաս անունով. խաչի թեւերին ամրացրած է մի մի քար, ինչպէս և կեդրոնում, որ աւելի մեծ է. խաչի յետեւի կողմից փորագրուած է հետեւեալը.

«Սբ. նշանս խոտակերաց բարեխաւս է Մարախրոս եպսկոպսին ծնողացն Զութղու բէգին, որ նորոգեց իւր յիշատակի Սաթլմշին տր. Բարսեղին թվ. ՌՂԳ» (= 1624):

Վանքի մի շարք արձանագրութիւնները 1671 թուականից զանազան նուիրաբերութիւններով Մարտիրոս գիւղի ազգակցութեամբ իրար կապուած «պարոն»ների կողմից, յիշել ենք արդէն, ենթադրաբար նրանց Պառչեան տոհմի շառաւիղներ և Իսրայէլ Օրիի ազգակիցներ համարելով (*):

ԺԸ. դարի սկզբում վանքի առաջնորդն էր տէր Ովանէս, որի գերեզմանաքարը զարդարուած է եպիսկոպոսական հովուական գաւազանով, օձ ու կարիճով. «Այս է տապան տր. Ովանէսին թվ. ՌՂԿԱ» (= 1712):

Ըստ Ալիշանի 1704 թուին «առաջնորդ վանացն Օծոպու էր Թադէոս վարդապետ» (**). բայց նորա գերեզմանաքարը թուագրուած է 1718-ով. «Յիշատակ է տապանս առաջնորդ թաթէոս . . . (չի կարգացուում, երկու բառի տեղ), թվ. ՌՂԿԷ»: Սորա ժամանակը պիտի շինուած լինի, գուցէ նորոգուած, եկեղեցու թմբուկը. «Շինեց. սբ. կղկէս. Տիկեցի Մալխասի որդի Մարբարէս թվ. ՌՂԾԴ» (= 1705): Գմբեթի թմբուկը բոլորակ է, հիմքից ոչ շատ բարձր ութ լուսամուտներով (պատկ. 19):

Ղազար ձահկեցու մի կոնդակից տեղեկանում ենք, որ 1749 թուին վանքի առաջնորդն էր Մարկոս հանձարիկ և աշխատաւոր վարդապետ»ը, որին թոյլ է տալիս կամ սորա միաբաններից մէկին ժողովրդից նուէրներ հաւաքելու եկեղեցու խախտուած տանիքը նորոգելու համար (***)։ Մի տարի յետոյ՝ վանքի արեւմտեան զբան ձակաւին թողած արձանագրութեան համեմատ նոյն Մարկոս եպիսկոպոսը գնել է 1750 թուին Մկրտիչի որդի Եղուծից Ծատուրի կէս օրավար այգին, մի չարէք հողով և մի զանգակ (Յաւել. Ա. 183): Մեր ձեռքն է հասել հէնց այն վաւերագիրը, որով կատարուել է այդ գնումը վկանների յիշատակութեամբ, ինչպէս և ոմանց կնիքներով հաստատուած: Վաւերագիրը գրուած է նոյն ՌՂԶԹ թուին Օծոպեցի Մկրտիչի որդի Եղուծի կողմից, որով յայտնում է, թէ «ծախեցի մեր Ծատուրէնց այգին Օծոպա վանից առաջնորդ Մարկոս վրդ. ին» քսան և վեց հազար գիւնով.

(*) Խաղբակեանք Ա., եր. 251 - 252:

(**) Սմբատեան, Երնջակ, եր. 242-3: Թովհեան, Յուցակ Զեռագրաց Խաչիկ Վ. ի, Բ. 3:

(*) Խաղբակեանք Ա., եր. 253 - 4:

(**) Սիսական, եր. 483:

(***) Սմբատեան, Երնջակ, եր. 436: